

He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.



He whakarāpopoto

Pānuihia te whakarāpopoto ki te ākonga. Ao ake i te ata ka hīkoi haere a Māmā Rakiaki me āna pīpī. Engari ka tūpono mai he aituā.

He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou, me mahi rawa te papa kupu me ngā whakaahua kei te uhi. Me whakamaumahara hoki te ākonga kia pātai ki a ia anō, i te wā e pānui ana ia mai i te fīmatanga ki te mutunga o te pānui.

Kua kite te ākonga i tētahi māmā rakiraki me āna pīpī e hīkoi haere ana? Mēnā āe, he aha ētahi mea i kitea e ia?

He wāhi haumaruru te tāone hei wāhi hīkoi haere mō tētahi māmā rakiraki me āna pīpī? Matapakia ngā take i haumaruru ai, i kore ai e haumaruru rānei.

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e mārama ana mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā matua, te raupapatanga, ngā kiripuaki;
 - te whakatenatena i te ākonga mō tana tiro ki mua i whakaputa ai ia i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini ripene kōrero, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;

- ki te whakaharatau kia eke te ākonga ki tētahi atu taumata.

He whakapuaki māramatanga me ngā whakautu

1. I ārahi a Māmā Rakiraki i āna pīpī rakiraki ki hea hīkoi ai?
2. He aha te aituā i tūpono mai ki a rātou?
3. I pēhea te whakaora i a rātou?
4. Mēnā i reira koe, kua aha koe ki te whakaora i a rātou?
5. He aha te take i kore ai e pai te hīkoi haere a Māmā Rakiraki me āna pīpī i tērā wāhi?

1. Ki runga i ētahi ara me ētahi piriti, ki roto i tētahi kōrero raima me ētahi mauwha.
2. I taka rātou ki roto i tētahi puare.
3. I heke tētahi tangata patu ahi ki raro me te hiki i a rātou i roto i tōna pōtae.
4. Ka rerekē ngā whakautu.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuatanga o te pukapuka nei.

Te pūtake

T He tīpako i ētahi rerenga whakamārama mai i te pukapuka.

He whakatakinga ā-roto, he whakaharatau

I mua i te pānui i te pukapuka, whakawhitihiti kōrero ki te ākonga mō te pēhea o tā te māmā manu tiaki i āna pīpī. Matapakia tētahi māmā rakiraki e ngana ana ki te tiaki i āna pīpī i roto i te taiao o te tāone. E ai ki te ākonga, he aha pea ētahi mōrearea ka tūpono mai i a ia e whakahāereere ana i āna pīpī i roto i te tāone? Mā wai rātou e whakaora ki te heipū mai tētahi aituā ki te māmā rakiraki me āna pīpī?

Kia oti i te ākonga te pukapuka te pānui, whiriwhiria ka ahatia e Māmā Rakiraki me āna pīpī, he aha hoki ngā ratonga i tae mai ki te whakaora? I pēhea taua whakaora i a rātou?

Whakarite kia wehe te ākonga i te whakaahutanga o te hīkoi i te wāhanga e pā ana ki te aituā, kia tautuhi rātou i ngā mea matua o te aituā me te mahi whakaora.